

無位真人體若虛物來不已應斯須舒開寶藏乾坤窄放出圓光日月俱巨細洪纖同蘊此有無高厚莫非吾茫茫沙界彌羅極頃刻收來黍米珠

忘外

具足莊嚴古道場活人芝草返魂香全提法界藏真境未放吾宗出葆光堯是桀非俱莫辨鶴長鳧短兩相忘太平無象家家遇拂袖歸來入醉鄉

脫殼

夢中了了醉中醒表裏仍存一味清事事拂餘真理足塵塵滌盡法身輕破瓢度日餓方覓營窟居冬暖後行不在世間圈續道藏輯要

雲山集

卷一

勗集六

裏自由閒散過平生

塵累

萬塵堆裏喜擎擔衣要尖新食要甘費用關心深計度向求如意引貪婪名纏自作投籠鳥利縛尋爲作蠶蠶分外閒愁認爲樂騰騰不覺一生癢

疑網

明知萬法本因心何更將心向外尋自有丹砂求自得誰爲猿馬使誰擒神頭鬼面須臾革恠迹狂蹤倏忽沉大治洪鑪未經燬揚灰終不見黃金

尋山

咄嗟性癖愛尋山及至山間郤憶還俯仰坡陀艱負荷崎嶇磴
節倦躋攀力熊饑虎時臨側獵獵僂樵鼙叩關爭似定心如玉
立卓然隨處自安閒

遊仙人澗

信步登臨學采真公和遺躅鶴山鄰道鄉自屬雲霞侶地僻元
無車馬塵石底靈泉寒浸月殿前古柏暗藏春草堂喚起山童
問還有呼風長嘯人

訪五巖

五巖壁立列山顏洞府深沉積翠環華蓋彌羅懸玉室石門幽
邃透玄關物經換世人何往人去朝元鶴未還雅操不聞遺跡
道藏輯要

雲山集

七

卯集六
川○文

在一天明月嘯臺閒

罷釣

白蘋紅蓼幾千秋鱠鱠金鱗不上釣雲餌括囊徒自祕虹竿收
拾便宜休離朱罔測還南望狂屈難言知北遊千丈洪濤滄海
闊滿天明月一虛舟

溫邦瑞壽曰

院宇朝來氣象佳暗添福壽在君家人間幻境他時識物外真
風此日誇保命玉壺收縉雪延生金鼎煉丹砂肯來共飲玄洲
上坐看蟠桃幾度花

偶遇